




Intlanganiso yosapho

African Storybook

Thulisile Shongwe





Unomathotholo uhlala ekhala imini nobusuku ekhayeni lam.

Simamela iindaba rhoqo.



Izikolo bezivalwe iinyanga ezininzi ngenxa yokumiswa ngxi kweentshukumo ngurhulumente (ilokhdawuni).

Utata uqale ngelithi, "Lusapho lwasekhaya, kufuneka senze isigqibo ngokubuyela kwabantwana esikolweni."



Udadobawo uPula wayexhalabile. "Xa izikolo zivulwa loo nto ithetha ukuba abantu abaninzi baya kosuleleka.

Imeko inakho ukuba mandundu," utshilo.



UAttie uthe, “Ndiyakoyika ukufumana esi sifo.

Masilinden iiveki ezimbini sibone ukuba izinto zihamba njani esikolweni. Kukho ukudideka okuninzi.”



Utata uthe, “Ndoyikisela umakhulu.


Ukuba abantwana bangosuleleka beze naso ekhaya esi sifo, ingayinto embi kakhulu kuye.”

Umakhulu wanqwala intloko.



Umakhulu wam sele emdala. Unesifo seswekile nesimo sentliziyo.

Ndiyoyika kakhulu. Ndikhathazekile ngabantu basekhaya.



Utatomncinci uChavani wathi, “Ndicinga ukuba abantwana mabahlale ekhaya, njengesithintelo. Makhe sime sibone ukuba izikolo zikulungele na ukwamkela abafundi.”

Wonke umntu wavumelana naye ngaphandle kukaEddie.



“Ndimele ukuya kwisikolo samabanga aphezulu kulo nyaka uzayo.

Andazi nokuba ndingawugqiba na umsebenzi.

Ukwenza izifundo zam kwi-intanethi asiyonto yam,” watsho uEddie.



Andinaxhala lokuba semva kumsebenzi wesikolo.

Ndinexhala lobuntu. Siza kuphathana njani ngoku?

Simele ukujongana nale ngxaki sonke.

—Imibuzo

1. Bhala intsingiselo yala magama: ukosuleleka, ubudala, ukuthintela, ubuntu.
2. Chaza intsingiselo yokuthi 'unexhala ngoluntu jikelele'.
3. Ucinga ukuba olu sapho lwafikelela kwesiphi isigqibo? Ngoba kutheni?
4. Ngoobani abantu bakokwenu?
5. Waziva njani xa wawudibana noogxa bakho esikolweni kwakhona, emveni kommiselo weentshukumo wesizwe ngelixa le Khovidi-19?
6. Ngaphandle kwesifo seswekile, zeziphi ezinye iimeko ezine zempilo ezinokuwanciphisa amandla omzimba womntu?
7. Zeziphi izigqibo othi uzenze ngemini nganye?

Eli bali lisekelwe kwiingxelo ze-RX Radio. I-RX Radio sisikhululo sika nomathotholo wabantwana esikwi-intanethi, esilawulwa ngabantwana besenzela abanye abantwana.

I-RX Radio isebenzela kwisibhedlele sabantwana iRed Cross War Memorial eKapa.

I-RX Radio incedisana nabantwana ukuba babalise ngezinto ezibalulekileyo kubo.

[Tyelela iRX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Intlanganiso yosapho

Author/s: African Storybook

Translator/s: Sheila Mandlate

Illustrator/s: Thulisile Shongwe

Assurer/s: Bulelwa Nokele, Angelinah Dazela

Language: isiXhosa



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

